



CONCELLO
R.E.L. 01150177
C.I.F. P-1501700-G

CONVENIO DE COLABORACIÓN ENTRE O CONCELLO DE CAMBRE E O CLUB BALONCESTO CAMBRE PARA A PROMOCIÓN DO BALONCESTO PARA O ANO 2022

En Cambre, na data da sinatura dixital

INTERVEÑEN:

Dunha parte, don Óscar A. García Patiño, alcalde do Concello de Cambre, en uso das atribucións que lle confire o art. 21.1.b) da Lei 7/1985, do 2 de abril, reguladora das bases de réxime local, asistido pola secretaria xeral, dona Pilar María Pastor Novo, que da fe do acto, en exercicio da función de fe pública, de conformidade co que dispón o artigo 3.2.i) do Real decreto 128/2018, de 16 de marzo, polo que se regula o réxime xurídico dos funcionarios da Administración Local con habilitación de carácter nacional.

Da outra, don Javier Prieto Souto, con DNI _____, presidente do Club Baloncesto Cambre, actuando en nome e representación desta entidade deportiva con CIF G-70235593 e núm. de Rexistro na Xunta de Galicia C-10325 con sede en Cambre, calle en polígono 4º 3ºdch. 15679 Cambre.

En cumprimento da resolución da alcaldía nº 2372/2022 do 30.12.2022.

EXPOÑEN:

1.- Que en cumprimento das competencias que o Concello de Cambre ten na promoción do deporte, conforme se estipula no artigo 25.2 apartado l) da Lei 7/1985, do 2 de abril, de bases de réxime local, artigo 8 da Lei 3/2012, de 2 de abril, do deporte de Galicia e artigo 80.2) da Lei 5/1997, do 22 de xullo, de Administración local de Galicia.

2.- Considerando que o Concello de Cambre carece de persoal suficiente e os medios necesarios para abarcar coas súas propias posibilidades todas as especialidades deportivas e á totalidade da poboación.

3.- Considerando que o Club Baloncesto Cambre, é unha entidade deportiva, sen ánimo de lucro constituída para a promoción do deporte, e como tal, está a desenvolver na actualidade unha actividade de fomento da práctica do baloncesto, da participación en competicións federadas, e do ensino e formación de deportistas deste concello así como da organización de actividades deportivas e de participación cidadá.

4.- Considerando que o Concello conta cun gran número de practicantes neste deporte, e en especial en idade escolar.

5.- Considerando que o Club Baloncesto Cambre mantivo as actividades e participou nas competicións escolares e federadas durante a tempada 2021/2022.

6.- Considerando que consta consignada unha subvención nominativa a prol do Club Baloncesto Cambre no orzamento municipal para o exercicio 2022, na aplicación orzamentaria "2022 341 48904 Cambre Baloncesto" por importe de 9.000,00 euros.

7.- Tendo en conta que a devandita entidade declara neste acto, encontrarse ao corrente do cumprimento das obrigas tributarias, fiscais e coa seguridade social que se derivan da súa actividade.

Sobre a base do exposto, a Área de Cultura, Deportes e Xuventude considera necesaria a formalización dun convenio de colaboración, para que mediante a coordinación dos recursos e esforzos das partes asinantes se promova a práctica do baloncesto entre os nosos veciños, e en especial dos máis novos, conforme ás seguintes

CLÁUSULAS:

PRIMEIRA: COMPROMISOS DO CLUB BALONCESTO CAMBRE

1º) Participar nas competicións federadas cos equipos de que dispón, asumindo todos os custos derivados da participación nestas: inscrición dos equipos, pagamento de mutualidades, gastos de arbitraje, material deportivo, desprazamentos, etc., e do persoal técnico necesario para a participación destes equipos nas competicións federadas.

Achegar, en todo caso, o persoal e material deportivo necesario para o mantemento dos seguintes equipos:

- 1 Equipo sénior masculino en 2ª división autonómica
- 2 Equipos sénior masculino en 3ª división zonal (interprovincial)
- 2 Equipos júnior masculino en categoría local (provincial)
- 2 Equipos cadete masculino en categoría local (provincial)
- 2 Equipos infantil masculino en categoría local (provincial)
- 1 Equipo infantil feminino en categoría local

O persoal contratado polo Club Baloncesto Cambre, necesario para o cumprimento de todos os compromisos sinalados neste Convenio, non terá vinculación laboral co Concello de Cambre.

2º) Organizar en coordinación co Concello de Cambre os seguintes eventos deportivos, asumindo os custos que destes se deriven:

- Campus de Baloncesto (do 28 de xuño ao 9 de xullo no pavillón Sofía Toro e pavillón O Temple).
- Campionato de mini-basket do Deporte na Idade Escolar para as categorías benxamín masculino, benxamín feminina, alevín masculina, alevín feminina e babybasket ou participación destes equipos na Federada da zona da Coruña.

3º) Participar nos eventos/campañas organizadas polo Concello de Cambre e que permitan as normas federativas:

- Campaña "Cambre en Negro"

4º) Facer constar en todas as competicións, entrevistas, trípticos e roldas de prensa nas que participen os xogadores, técnicos, directivos, ao Concello de Cambre como entidade colaboradora.

5º) Identificar, nas instalacións nas que a entidade xogue como locatario e no material deportivo adquirido (equipacións) o nome e anagrama do Concello de Cambre. Cando o importe percibido con cargo ao presente convenio, alcance á totalidade do orzamento anual do club Baloncesto Cambre, este lucirá exclusivamente o anagrama do Concello.



CONCELLO
R.E.L. 01150177
C.I.F. P-1501700-G

6º) Realizar un seguro de responsabilidade civil para a cobertura das actividades que se realicen ao abeiro deste Convenio de ata 300.000 euros, manténdoo vixente durante toda a duración deste, así como a mutualidade deportiva ou seguro de accidentes deportivos de todos os deportistas e cadro técnico.

7º) Someterse ás actuacións de comprobación e control que os órganos competentes do Concello realicen, a través dos seus servizos técnicos, respecto do cumprimento dos seus compromisos, así como da aplicación dos fondos percibidos, aportando canta información sexa requirida.

8º) Presentar os documentos acreditativos da realización dos compromisos previstos neste Convenio e da aplicación dos fondos recibidos, da seguinte forma:

8.1.) Antes do 1 de febreiro de 2023, achegará:

1. Memoria anual das actividades que se realizaron durante a tempada 2021/2022.
2. Certificado de ingresos asinado polo/a presidente/a e secretario/a da entidade no que se detallan as subvencións ou axudas obtidas doutras administracións públicas ou entidades privadas para o mesmo obxecto, ou ben, declaración de non ter solicitado ou percibido outras axudas ou subvencións públicas ou privadas para o mesmo obxecto.
Cando as actividades fosen financiadas, ademais de con subvencións, con fondos propios ou outros recursos, deberá acreditarse na xustificación o importe, a procedencia e a aplicación de tales fondos ás actividades subvencionadas.
No caso das cotas de participantes, deberán estar desglosadas por actividade, período se fóra o caso e anualidade.
3. Certificado asinado polo/a presidente/a e secretario/a da entidade da Relación clasificada dos gastos da actividade, con identificación do documento e acredor, importe e data de emisión. A entidade deberá contar cun Rexistro cronolóxico de cobros e pagos que inclúan debidamente identificados, entre outros, os relativos a actividade obxecto de financiación no presente convenio, tendo os efectos previstos no artigo 17.3 h) da Lei xeral de subvencións e no artigo 11. f) e g) da Lei de subvencións de Galicia, ademais daqueles libros e rexistros contables que as normas que lle sexan de aplicación no ámbito contable establezan.
A entidade destinará os fondos recibidos ao pago dos xustificantes de gasto presentados.
4. Memoria anual de xestión económica do Club do ano 2021, aprobada pola entidade.
5. Facturas e documentos válidos para acreditar o gasto correspondente á tempada 2021/22, que respondan á natureza da actividade subvencionada, e por importe mínimo de 10.000,00 euros, tendo en conta que o coeficiente de financiación establecido no presente convenio é do 0,9.
6. Acreditación da publicidade esixida na cláusula primeira apartados 4º e 5º.

Se non se xustifica totalmente o orzamento subvencionado de 10.000,00 euros, pero se acredita que a finalidade básica da subvención se cumpriu, o importe inicialmente concedido reducirase mediante a aplicación do coeficiente efectivamente xustificado. Enténdese que a finalidade básica da subvención se cumpriu se se realizaron, alomenos, o 75 por 100 das



CONCELLO
R.E.L. 01150177
C.I.F. P-1501700-G

actividades previstas e orzamentadas no convenio. En caso contrario, entenderase que a finalidade básica non se cumpriu, polo que non se aboará cantidade ningunha, sen prexuízo das posibles sancións ou reintegros que resulten de aplicación.

En todo caso só se consideraran gastos imputables ao obxecto do presente convenio os realizados entre o 1 de xullo de 2021 e o 30 de xuño de 2022 (os gastos que exclusivamente se imputen ao campus de verán poderán realizarse ata o 9 de xullo de 2022).

Coa finalidade de dar cumprimento ao disposto no artigo 30.3 da Lei 38/2003, xeral de subvencións, para a presentación telemática, antes do escaneo, deberá estenderse no orixinal da factura unha dilixencia na que se faga constar que a factura foi utilizada como xustificante de gasto para a obtención dunha subvención do Concello de Cambre.

No caso de presentar declaración de axudas doutros organismos, as facturas xustificativas a presentar deberán ser, cando menos, da suma das cantidades percibidas.

As facturas deberán especificar de forma detallada, o número e concepto dos servizos prestados ou do material adquirido, os prezos unitarios así como calquera outra información que facilite a comprobación de que estes documentos se axustan ao obxecto da subvención. Non se admitirán como xustificante de gasto, as facturas nas que non se detallen os anteditos aspectos.

O pagamento das facturas e xustificantes de gastos válidos debe realizarse a través de entidade financeira, salvo os de escasa contía (ata 150,00 euros), que poderán realizarse en efectivo sempre e cando se xustifique a imposibilidade de efectuar o aboamento por distinto medio de pago e o gasto total xustificado non supere o 20 % do importe adxudicado. Poderá empregarse como medio de pago a transferencia bancaria, tarxeta de crédito ou débito, cheque nominativo ou calquera outro medio que permita deixar constancia do importe, data de pago e perceptor dos fondos. Deberá acreditarse o pagamento dos gastos xustificativos unha vez aboada a subvención, segundo o previsto no apartado 8.2).

Se considerarán gastos subvencionables aqueles que sen lugar a dúbidas respondan á natureza da actividade subvencionada, e teñan relación directa co obxecto que se subvenciona. Non se consideran gastos subvencionables os importes aboados ao Concello de Cambre en concepto de tributos ou demais ingreso de dereito público.

Admitiranse como gastos das actividades os correspondentes ás adecuacións aos protocolos sanitarios relativos á COVID-19 (luvas, máscaras, alfombras, desinfectantes, test...). En todo caso para a súa consideración como gasto válido deberá xustificarse a súa relación directa co obxecto subvencionado.

Os gastos de desprazamentos deberán presentarse como "liquidación de indemnizacións en concepto de desprazamento", debendo axuntar documentación complementaria que acredite que as liquidacións se corresponden coa actividade subvencionada (certificado federativo ou certificado do club, segundo o caso, ademais de trípticos, calendarios de actividades/competicións, certificacións de asistencia..., acreditativos da relación entre as datas dos desprazamentos efectuados e as actividades deportivas ou competicións). Nas liquidacións deberán constar obrigatoriamente os seguintes datos: as datas do/s



CONCELLO
R.E.L. 01150177
C.I.F. P-1501700-G

desprazamentos e os quilómetros percorridos, o lugar de inicio e destino de cada un dos desprazamentos, así como o motivo do desprazamento.

7. Dado que as actividades obxecto do convenio implican o contacto habitual con menores, a entidade deberá comprobar que as persoas ou persoal ao seu cargo non foron condenados por sentenza firme por algún delito contra a liberdade e indemnidade sexual, que inclúe a agresión e abuso sexual, acoso sexual, exhibicionismo e provocación sexual, prostitución e explotación sexual e corrupción de menores, así como por trata de seres humanos. (de acordo coa Lei orgánica 1/1996, de protección xurídica do menor, de modificación do Código Civil e da Lei de axuízamento civil), presentando declaración do/a presidente/a da entidade do cumprimento de dita obriga.
8. Certificado do Presidente coa sinatura do secretario indicativo de que "a entidade non se encontra incurso en ningunha das situacións previstas no artigo 13.2 da Lei 38/2003, de 17 de novembro, xeral de subvencións, facendo constar, que se encontra ao corrente no cumprimento das súas obrigas de reintegro doutras subvencións ou axudas recibidas, conforme aos termos establecidos no artigo 21 do Regulamento da Lei xeral de Subvencións (aprobado por Real Decreto 887/2006, de 21 de xullo), non encontrándose suxeita a orde de recuperación pendente, sobre calquera subvención que lle tivera sido outorgada con anterioridade, por calquera tipo de incumprimento de obrigas que lle foran establecidas na concesión."

Finalizado o prazo sen que a entidade presentase a documentación xustificativa do cumprimento do obxecto do convenio, o departamento de Deportes requiriralle para que no prazo improrrogable de quince días, presente a xustificación correspondente. A falta de xustificación da subvención neste prazo excepcional conlevará a perda da subvención e demais responsabilidades previstas na Lei xeral de subvencións.

8.2.) Acreditar ante este Concello o destino dos fondos recibidos no prazo de un mes contado dende o día seguinte ao pagamento do importe da subvención, mediante a presentación de:

- 1.- Certificado asinado polo/a presidente/a e tesoureiro/a da entidade que conteña a relación clasificada dos gastos da actividade, con identificación do documento e acredor, importe, data de emisión, así como a data e medio de pago. Xunto a este certificado achegaranse os documentos bancarios que acrediten o pago dos xustificantes incluídos na relación clasificada de gastos da actividade, se os mesmos non obrasen no expediente.

Os pagos deberán realizarse a través de entidade financeira, salvo os de escasa contía (ata 150,00 euros), que poderán realizarse en efectivo (sempre e cando se xustifique a imposibilidade de efectuar o aboamento por distinto medio de pago) e o gasto total xustificado non supere o 20 % do importe adxudicado. Poderá empregarse como medio de pago a transferencia bancaria, tarxeta de crédito ou débito, cheque nominativo ou calquera outro medio que permita deixar constancia do importe, data de pago e perceptor dos fondos.

O certificado deberá acreditar o pago de facturas por un importe mínimo do orzamento que se ha de xustificar, e debe referirse a facturas e xustificantes de gasto válidos contidos na conta xustificativa presentada.



CONCELLO
R.E.L. 01150177
C.I.F. P-1501700-G

No caso de presentar declaración de axudas doutros organismos que esixan o pagamento a través de entidade financeira, o certificado deberá acreditar o pago de facturas cando menos, da suma das cantidades percibidas. Para a comprobación desta condición deberá achegar as bases da convocatoria ou o convenio asinado.

2.- Acreditación da data de ingreso da subvención municipal

A falta de acreditación no prazo establecido ou en forma non adecuada segundo o disposto no presente convenio, conllevará que o dito gasto se considere como non válido para efectos de xustificación da subvención e dará lugar a obriga de reintegro do importe da subvención previamente percibido.

SEGUNDA: COMPROMISOS DO CONCELLO DE CAMBRE

1º) Financiar a organización, coordinación e xestión das actividades que se recollen no presente convenio cunha achega para a tempada 2021/2022 de nove mil euros (9.000,00 euros), que se aboarán logo da aprobación por parte do Concello de Cambre, da documentación xustificativa achegada por parte do Club Baloncesto Cambre dos documentos acreditativos sinalados no apartado 8.1.) da Cláusula Primeira.

De no ser posible o recoñecemento da obriga a prol da entidade no exercicio 2022, a achega municipal quedará condicionada á existencia de crédito no orzamento xeral do exercicio 2023.

Establécese un coeficiente máximo de financiamento do 0,9 do custo do obxecto a subvencionar segundo o establecido polo 32 do Real decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de subvencións.

A suma das cantidades percibidas ou comprometidas por parte doutros organismos públicos ou privados para a mesma finalidade non poderá ser superior ao custo das actividades obxecto do convenio. Neste suposto reduciríase proporcionalmente a achega municipal.

A entrega da achega municipal está condicionada á comprobación da execución efectiva de todas as actividades e torneos previstos. En todo caso a entidade terá que xustificar a realización do 75 por 100 das actividades previstas e orzamentadas no convenio, para entender realizada a finalidade básica da subvención, tal e como se regula no compromiso 8º, apartado 8.1), da cláusula primeira do presente convenio.

2º) Coordinar a utilización das instalacións deportivas así coma calquera outro material ou equipamento municipal.

3º) Colaborar na promoción e difusión das actividades organizadas polo Club Baloncesto Cambre para o cumprimento do convenio.

TERCEIRA: REINTEGRO DE FONDOS

Establecese a obriga por parte do Club Baloncesto Cambre de reintegrar os fondos no suposto de incumprimento dos requisitos e obrigas establecidas para a concesión e xustificación das achegas municipais e, en todo caso, nos supostos previstos no artigo 37 da Lei 38/2003 e nos artigos 32 e 33 da Lei 9/2007.

CUARTA: VIXENCIA DO CONVENIO

O presente convenio de colaboración subscríbese cun período de vixencia dun ano, durante a tempada 2021-2022. (xullo 2021- xuño de 2022)

QUINTA: OUTRAS DISPOSICIÓNS

Para o non previsto neste convenio será de aplicación o disposto no título V das Bases de execución do orzamento de 2022, na Lei 38/2003, do 17 de novembro, xeral de subvencións, a Lei 9/2007, de 13 de xuño de subvencións de Galicia, e na demais normativa administrativa reguladora das axudas e subvencións públicas.

SEXTA: CONFORMIDADE COAS CLÁUSULAS

Ambas partes mostran neste momento a súa conformidade ao contido das cláusulas expostas no corpo do presente escrito, comprometéndose ao cumprimento de cantas obrigas se deriven ata o seu total cumprimento e finalización.

SÉTIMA: EIDO DE APLICACIÓN

O presente convenio queda fóra do ámbito da Lei 9/2017, do 8 de novembro, de contratos do sector público, en virtude do disposto no artigo 6.2 do citado corpo legal, aplicándose os principios de esta Lei para resolver as dúbidas e lagunas que se puidesen presentar, ao abeiro do establecido polo artigo 4 da Lei.

Non obstante este convenio ten carácter administrativo quedando as partes que o subscriben suxeitas á xurisdición contencioso-administrativa para a resolución de calquera conflito que puidese xurdir na súa aplicación.

OITAVA: INCORPORACIÓN AO REXISTRO PUBLICO DE SUBVENCIÓNS E PUBLICACIÓN DA SUBVENCIÓN CONCEDIDA

En cumprimento do disposto no artigo 20.1 da Lei 38/2003 (LXS) e demais normativa de desenvolvemento, os datos da subvención concedida e a identificación da persoa beneficiaria, serán remitidas á Intervención Xeral do Estado, para que sexan incorporados á Base de Datos Nacional de Subvencións (BDNS), coa exclusiva finalidade prevista en dito precepto.

E para que así conste para todos os efectos que legalmente procedan, unha vez lido integramente este documento, os outorgantes afirmanse e ratifícanse no exposto, asinando mediante sinatura electrónica recoñecida, acreditativa da integridade do documento asinado, así como da data e hora da sinatura.

Concello de Cambre
Óscar A. García Patiño

Club Baloncesto Cambre
Javier Prieto Souto

A secretaria xeral
Pilar María Pastor Novo